



FACULTATIS MEDICÆ DECANI  
IO. HADRIANI SLEVOGTII

HERED. in Ober-Rosla/  
M. D. ANAT. CHIR. ET BOT. P.P.  
ITEMQVE MED. DVC. PROV.

INVITATIO

*Ad Dissertationem*

DE

CARIE OSSIVM

CVIVS OCCASIONE

VARIOLARVM HACTENVS IN CIVES NOSTROS  
GRASSANTIVM MALIGNITAS EX CARIE OSSIVM  
AB IIS EXCITATA PER EXEMPLA DEMONSTRATVR.

JENÆ d. V NOVEMBRIS MDCCXIII.

---

LITERIS KREBSIANIS.



THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY  
1950

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY  
1950

THE UNIVERSITY OF CHICAGO  
LIBRARY






DECANVS FACVLTATIS MEDICÆ  
IO. HADRIANVS  
SLEVOGTIVS

M. D. ANAT. CHIR. ET BOT. PP.

*BENEVOLO LECTORI*

S. P. D.



Ariolæ sunt triste malum, & tantum non omnibus humanæ speciei individuis reformidandum; cum, quod de *morte* Horatius effatur, æquo pede pauperum tabernas, regumque turres pulsent; nec adhuc per experientiam sufficienter declaratum sit, eos, perpetuam sibi a communi hoc mortalium infortunio immunitatem pollicendam habere, quorum matres, tempore gestationis, vitalium humorum massam a superfluis impuritatibus, fomitem, ut ajunt, huic malo largientibus, per *catamenia* purgarunt, a quibus in aliis, ut vulgata sententia Pathologorum fert, per novem menses in corpore retentis, hujus morbi causa cuditur; quæ, pro singulari temperamentorum diversitate, ut plurimum equidem in prima statim ætate, per vasa omnia & viscera se diffundens,



inuitatum orgasmon in iis fabricat, naturamque stimulat, ut, per modum despumationis, quicquid a contagio hoc infesto inquinatum est, per exilissimos arteriarum tubulos, & solidorum organorum poros, in horum superficiem protrudat. In quibusdam autem ferius hoc venenum explicatur: quod in provectioris ætatis subjectis tunc eo periculosiores effectus gignit, quo refertior est eorum sanguis cruditatibus, ex continuis erroribus diætæ natis, a quibus concipiendæ fermentationi aptior est redditus: ut, computatione majoris numeri infantum, cum pauciori adutorum, variolis laborantium, horum multo plures, quam illorum fatis cedere cogantur.

Magnum insuper momentum ad genium, benignumque & malignum hujus criticæ excretionis morem, constitutio tempestatis confert; ut in nullo fere alio morbo tam multiplices varietates ortus & invasionis, durationis item & periculi, malorumque ipsum consequentium occurrant, quam in variolis annotari solent. Neque enim quotannis homines infestant, aut justas invasionis periodos, ratione veris, æstatis, vel autumnii hyemisque amant; sed certas potius astrorum quasi constellationes observantes, minimum ab aëris peculiari qualitate, fermentans suum seminium explicare solent.

Vixerant nostrates per unum alterumque annum ab hac universalis luis specie securi, nec, cum superiori æstate fama huc veniret, in vicinis oppidis variolas vigere, & multis lethiferas evadere, statim magnus metus animos percellebat; quia, ex ineffabili Dei gratia, nobis adeo salubre clima obtigisse noveramus, ut ægritudines, aliarum civitatum incolas durissime habentes, apud nos longe tractabiliore sint. Sic quamvis, elapso seculo, pestis ex omnibus mundi angulis nobis interitum minaretur, &, occidentem versus, haud procul distans Erfurtum, hinc propius, vix sesquimilliare ad orientem jacens Camburgum, & adhuc magis vicina septentrionalis Apolda, tandemq; meridem spectans, aliquot tantum lapides a nobis sejunctus pagus Rutha, crudelitatem diri contagii sustinerent, nos tamen, cœlesti tutamine freti, salvi manebamus: etsi rumor haud inanis esset, ab avaro mercatore merces ex infestis



his locis huc transportari. Frequentiora istiusmodi mitis & salubris soli specimina toties aliæ morborum species, dysenteriae, e. g. purpura puerperarum &c. edidere, quam ut illis recitandis immoremur: cum id nostro scopo prorsus adversetur, & in præsentia invitationem ad inauguralem Dissertationem de CARIE OSSIVM clarissimi summorum in arte nostra honorum Candidati,

# IOANNIS GEORGII STVSSII

WILDEMANNO-HERCYNII.

scripturis, occasione huius thematis, illætabilis memoria aliquot tenellorum subjectorum in mentem redeat, quibus variolæ, hætenus in nos manifesta malignitate grassantes, sanguinem ad nutritionem corporis ineptum reddiderunt, partesq; solidas duras pariter, ac molles profunde exulcerarunt.

Duo autem tantum extantiora specimina hac vice in medium adducemus, quorum sævitiam domare minime in artis potestate positum fuit: mitiora alio tempore recensuri.

Puellus lepidissimus, quinque annorum, laboraverat variolis absque gravibus symptomatibus, &, nondum crustis depositis, a parentibus libero aëri permittebatur. Sed nondum mensis effluxerat, cum eundem lectulum, quem major natu frater, cum eodem morbo graviter conflictatus, deseruerat, occupare teneretur, secunda vice variolosus factus. Omnia hic in pejus vertebantur. Nam post vehementes motus convulsivos, larga seges pustularum erumpebat, cum continuo fervore & inquietudine. Haud memorabimus defectum vocis, ab exulceratis faucibus inductum, aut vomitus & diarrhoeam, quæ frequentem frigidumque potum sequebantur: cum istiusmodi symptomata etiam in aliis, ex eadem causa, non raro sine damno hætenus occurrerint: sed ea potius tangemus, quæ nostram pariter & Chirurgi curam postulabant. Cum enim dexter oculus trans pupillam, ut in serena gutta fit, per motus convulsivos latissime distractam, admissas species visibiles non amplius perciperet, sinistri conservationem parentes anxiepetebant: sed huius quoque cornea, a variolis exesa, dudum cum adnata in plicas rugabatur.



Præter hæc in dextro humero, & costis aliquot, profunda ulcera hærebant, & hæcenus a latis primarum variolarum crustis tecta, per musculos ad ossa penetraverant; idque sine tali tristi sensu, qui adstantes ad remedia, in tempore quærenda, compulisset. Mutabatur quidem, per balsamica, foetens ichor, paucorum dierum spatio, in pus laudabile; sed caries ossium nequibat coerceri, quominus in horas latius diffunderetur: donec corpusculum, sceleti ariditatem referens, & rectoris sui ac motoris nutibus exsequendis impar, ab eo destitutum, fatis cederet.

Tristiores faciem puella sexennis, civis suburbani filia, offerebat, quæ ex cura Medici hujus loci non incelebris, post varias feliciter, ut videbatur, superatas dimissa, in bucca dextri lateris, prope nasum, vix visibile tuberculum retinuerat, quod, spatio sex hebdomadum, sensim auctum, tandem leviter dolere incipiebat: sed, tanquam ab odontalgia dependens, a parentibus negligebatur. Marcescebat interea temporis filia, quamvis belle quævis oblata comederet, tumebantque pedes oedematose. Cum tumor furunculi altitudinem acquisivisset, committebatur Chirurgo, artis suæ bene gnaro, qui, altero statim ab emolliente emplastro die, apostema in ulcus foetidissimum mutatum videns, Medicum in consilium postulabat. Præteriebatur ille prior, (more plebis mutabili) nullius culpæ hoc loco arguendus, & currebatur ad me: fors quia, ante aliquot annos, in eadem ægra sanationi ulceris capitis, in diversos, digitumque longos, sinus excavati, adstiteram. Obversabatur, primo statim intuitu, caro ad pollicis latitudinem consumpta, maxillæque, a gingiva nudæ, color niger cum foetore. Sequenti die æquabat ulceris oblongi transversa diameter duos pollices, apparebatq; rima in maxilla, magnam ejus portionem, cum canino dente, atque duobus maxillaribus, a reliqua substantia discernens. Die quarto extrahebatur hæc divulsa pars, sine ullo labore, aut notabili perceptione ægræ. Horribilis jam hiatus in cavitatem oris patebat; quem Chirurgus, quoties eum deligabat, ampliorem reddere cogebatur, forcipibus variis corrupta ossicula decerpens, & forcipe margines ulceris sphacelatos rescindens, donec labio superiori ad



ad columnaam nasi absumto, oris rima atque ulceris termini unum foramen maximum constituerent.

Putamus ex allatis variolarum nondum extinctam malignitatem, qua multis familiis, per aliquot menses, simplici duplicique funere luctuosi evaserunt, satis innotescere, ut pluribus exemplis adducendis superfedere, potiusque ad vitæ studiorumque Candidati nostri historiam transire liceat.

Honestissimorum parentum fatu ortus est, anno MDCLXXXVI d. 1 Maji, Wildemanni, urbe Hercyniæ, inter argentiferas Lüneburgenses primaria. Genitor fuit Dn. Jo. Gebhardus Stufsius, Prætor loci admodum spectabilis, mater autem reverendissimi Abbatissæ Cœnobii Clus, & Superintendentis ecclesiarum Gandersheimensium vigilantissimi, dudum inter cœlicolas recepti, filia, hodie Dn. Jo. Henrico Mehliisio, itidem Prætori civitatis merentissimo, per secunda vota in matrimonium data. Jactis religionis & bonarum literarum fundamentis, per aliquot annos Chirurgiæ, antiquissimæ Medicinæ parti, dedit operam, ejusque encheirises, per crebrum usum, sibi familiarissimas reddidit. Hinc ad artem internis quoque morbis medendi, animum serio appulit, eumque in finem, anno MDCCX Altdorfi, celebri musarû sede, per integrum annum, ex lectionibus excellentissimorum Doctorum, DN. JO. MAVRITII HOFFMANNI, DN. JO. JACOBI BEYERI, & DN. KÖNIGII fundamenta artis hausit: quibus postmodum, anno MDCCXI ad nos, sub meo Pro-Rectoratu veniens, pleniorum ejus cognitionem superstruxit. Audivit enim ea, qua decuit, attentione consummatissimum Medicum, DN. GEORGIVM WOLFFGANGVM WEDELIVM, Hered. in Svvarza, Med. D. & Theoriæ PP. famigeratissimum, Com. Palat. Cæs. Consiliarium & Archiatrum Ducalem Saxonicum longe meritissimum, pathologiam, chirurgiæ theoriam, & materiam medicam, una cum diætetica & pharmacia publice, privatimque morbos infimi ventris solidissime explicantem. Hinc magnificum h. t. Acad. Pro-Rectorem DN. JO. ADOLPHVM WEDELIVM, Phil. & M. D. & Professore ordinariæ, Physicum item provinc. Vinariensem & Poliatrum Jenensem celeberrimum, in publica cathedra morbos externos & mulierum, cum medicamentis ex tartaro, & febrium natura; domi autem metho-

dum



dum medendi & chymiam solide & perspicue docentem. junxit privatissimam DN.D. JO. JACOBI FICKII, Archiatri Duc Varnariensis, ad praxin & alias medicinæ partes manuductionem, & sub ejus præsidio mascule DE LACTIS SACCHARO disputavit. Nec Scholas phÿsicas curiosas atque medicas DN. D. HERMAN. FRIDERICI TEICHMEIERI, Archiatri Hatzfeldensis, se sine fructu singulari frequentasse gratus profitetur. Me in publico theatro cadaver foemininum dissecantem, & praxin chirurgicam, una cum notitia plantarum publice & privatim exhibere vidi, audivitque.

Hisce omnibus ita animum perfecit, ut languenti proximo inserviendi aptus haberetur. Quod ipsum ne sine publico testimonio fieret, doctorales honores ambivit. Admissus ad specimina ita se gessit, ut instante die 10, præsentis mensis, B. Luthero sacro, sub magnifici WEDELII, Patris, præsidio, cathedram conscensurus sit. nil magis in votis habens, quam ut per præsentiam magnifici Pro-Rectoris, excellentissimorum Patrum Academiae, nobilissimorum Hospitum, & charissimorum Commilitonum, actus ipse splendidissimus reddatur. Cujus honestissimi desiderii, ut inclytus Candidatus compos fiat, est quod, nomine Collegii gratiosi, officiose, obnixè & amanter peto. P. P. sub sigillo Facultatis, Jenæ, d. 5 Novembr. Ao MDCC XIII.

